

مُقر العين

كره سلوم الدنيا، وبدت عليه علامات الحسرة والحزن
والتشاؤم، فصار يجلس وحده حزينا قلقاً شارد الذهن، وعندما
سأله أبو محمد عن سبب كرهه لها أجاب:

- دشرني يا أبو محمد، مش طايق حالي.

- خير يا ستار، احكي شو في؟

- يا زلي بقعد ع عين الميه، وببصير اتنصت ع النسوان، ما في
بنت ولا مرة جابت سيرتي، لا في خرفية، ولا في قصة، ما في حدا
قالت سلوم حكي، وإلا سلوم سوّى، وإلا سلوم لبس، ليش هو أنا
حظي ناقص؟!

- بسيطة، فكرت في اشي ثاني، الله يهونها عليك يا سلوم.

- هو في اكثر من هيك!



جلس سلوم يسرّح خياله في واقعه اليأس، وأخيراً اهتدى إلى
رفع شأنه بين الناس، ليكون بين عليّة القوم.

في اليوم الثاني ذهبت أم سامي إلى عين الماء؛ لتملاً جرتها،
استهجت الأمر عندما رأت جارتها فاطمة عائدة من العين دون أن
تملاً جرتها، فسألتها:

- مالك راجعه كفا، وجرتك فاضية؟؟
- ييييييي... الله يقطع سلوم ويقطع سنتو.
- خير شو سوا؟
- مهو عملها في مقر العين.
- عزا عليه سلوم... في مقر العين!!!
- ومن وين بدنا انملي ميه؟ شو هل عملي؟!
- رجعت أم سامي إلى البيت، وطلب منها ابنها سامي أن
يستحم، فقالت له: فش حمام.

- ليش؟
- فش ميه.
- ليش؟
- مهو سلوم عملها في مقر العين... فش حمام، ولا طبيخ ولا
غسيل اليوم.

أخذ سامي يركض في الحارة وينادي مع أولاد الحارة: سلوم
عملها في مقر العين، سلوم عملها.
و منذ ذاك التاريخ أصبح سلوم موضع حديث أهل القرية...